

古今文綜

野居書贈

古今文綜 第三部 碑文墓銘之屬

第二十二冊

目錄

第二編 墓銘類

第四章 墓銘之題撰下

(乙)姻戚

(一)爲舅氏撰

清劉大櫟舅氏楊君權厝誌

清惲敬舅氏清如先生墓誌銘

清管同從舅鄒君墓誌銘

(二)爲舅氏婦撰

何維棣通奉大夫候選道李公配湯夫人墓誌銘

(三)爲外舅撰

清楊繩武翰林院庶吉士外舅秀野先生墓誌銘

清惲敬外舅高府君墓志銘

清張裕釗外舅黃君墓表

(四)爲外姑撰

唐韓愈河南府法曹參軍盧府君夫人苗氏墓誌銘

清蔡篋外姑李母周孺人墓誌銘

(五)爲從母撰

清洪亮吉從母莊孺人墓表

清洪亮吉從母楊孺人墓表

(六)爲從母夫撰

清梅曾亮欒城令朱君墓誌銘

(七)爲姑夫撰

清周濟文學高森榮墓表

(八)爲外弟撰

清吳定外弟曹侶東權厝誌

(九)爲外妹撰

清李慈銘外妹薛宜人權厝志

(十)爲姊妹之夫撰

唐柳宗元唐故萬年令裴府君墓碣

清劉大樾謝師其墓誌銘

(十一)爲妻兄撰

唐韓愈處士盧君墓誌銘

(十二)爲妻兄弟之夫撰

明歸有光沈貞甫墓誌銘

清左宗棠元氏縣知縣張公墓誌銘

(十二)爲妻兄弟之子撰

清左宗棠張叔容墓碣

(十四)爲甥撰

唐楊炯從甥梁錡墓誌銘

(十五)爲壻撰

清曾國藩郭依永墓誌銘

(十六)爲祖母之父撰

清張裕釗文學余君墓誌銘

(十七)爲外祖母撰

宋王安石外祖母黃夫人墓表

(丙)師友

(一)爲師撰

清吳定海峯先生墓誌銘

(二)爲弟子撰

唐韓愈給事中清河張君墓誌銘

清方苞王生墓誌銘

清張惠言江安甫葬銘

清吳汝綸胡問渠墓誌銘

(三)爲先輩撰

唐皇甫湜唐吏部侍郎贈禮部尙書昌黎韓先生墓誌銘

清方苞杜蒼略先生墓誌銘

清姚鼐袁隨園君墓誌銘

(四)爲後輩撰

清姚鼐疏生墓碣

(五)爲友撰

唐韓愈唐太子校書李元賓墓銘

唐白居易唐故武昌軍節度使贈尚書右僕射河南元公墓誌銘

宋歐陽修尹師魯墓誌銘

宋歐陽修黃夢升墓誌銘

宋歐陽修張子野墓誌銘

宋王安石王深甫墓誌銘

明歸有光亡友方思曾墓表

清張裕釗莫子偲墓誌銘

(六)爲鄰撰

唐韓愈息國夫人墓誌銘

(丁)僕妾

明歸有光寒花葬誌

清侯方域郭老僕墓誌銘

清莊受祺侍姬柳氏壙誌

清李慈銘殷君鄭姬墓誌銘

(戊)出妻

清李塋可母岳氏墓碣銘

(己)外婦

唐柳宗元太府李卿外婦馬淑誌

(庚)外國人

明胡廣淳泥國恭順王墓碑

(辛)自撰

漢王史威長葬銘

隋李行之自爲墓誌銘

唐王績自撰墓誌銘

唐嚴挺之自撰墓誌銘

唐韓昶自爲墓誌銘

并序

唐杜牧自撰墓銘

清邵齊燾自題墓碑

古今文綜

第三部

碑文墓銘之屬

第二十二冊

杭縣張相讓錄

杭縣姚漢章閱訂

第二編 墓銘類

第四章 墓銘之題撰下

(乙)姻戚 姻連之誼聞見真確高才軼行訊之貞珉與夫泛疏無等以狀乞銘
貿然爲無責之言者譬彼逕庭舉以殊矣爰自母黨妻黨以下爲若干目世有睦
嫺之士覽之庶其終篇

(一)爲舅氏撰 錄三首

清劉大櫟舅氏楊君權厝誌

舅氏楊君諱紹爽字穉棠於書無所不讀少工爲科舉之文而鬱不得志既困無

所合而讀書益奮發不衰。年已老。頭白且禿。猶依燈火坐讀禮經。至城上三鼓不輟。蓋君之於書。自其天性。而非以求名聲利祿也。舅氏性剛直。於尋常人未嘗苟有所酬答。與鄉人處。雖貴顯有不善。卽面責不少依阿。臨財廉執事。果可謂好學有道君子者也。娶邱氏。累生男不育。而舅氏遂無子。以康熙六十年六月二十七日病癰而卒。嗚呼。可痛也。舅氏於諸甥中尤愛憐槐。嘗撫予指吾父而言曰。此子殆能大劉氏之門。然未知吾及見之否。平居設酒食。召槐與飲。舅氏自提觴行。趣令醉。槐謝已醉。不能飲。舅氏笑曰。予性嗜酒。每過從人家飲酒。主飲者不趣予飲。吾意輒不樂。以此度人意。皆然。乃者舅氏實飲汝酒。當不使甥意不樂也。酒半。仰首歔歔。徐顧謂槐曰。予窮於世。今老且暮。且死。然未有子。息汝讀書。能爲古文辭。其傳於後世無疑。當爲我作傳。則吾雖無子。猶有子焉。槐受命而退。未及爲而舅氏遂舍予以卒。悲夫。君既卒之七日。其兄子某。以君之柩權厝於縣城北月山之麓。槐涕泣而爲之誌。

清惲敬舅氏清如先生墓誌銘

先生諱環。字清如。一字夢暘。自號東里居士。而清如之字特著。士之能學者。皆稱之曰清如先生。先生少時喜兵家言。後出入於縱橫家法家。最喜道家雄雌白黑之說。推陰陽進退人事盈歉。其緒餘爲步引芝菌神鬼誕欺怪迂之術。皆好之。爲文章。峭簡精強。必已出讀書條解支劈鑿虛攝空旁挾曲導。必窺意理之所至。四十後。爲陸象山王陽明二家之言。已又以爲未盡。反之張子邵子之說。蓋先生之學。凡五變。而精力亦彫涸。不足以赴所志矣。然好古求。是克治。彊勉爲之於天下。不爲之日。有篤老不變者。先生教人。諄諄必數千言。反覆之。如剗心著地。示以必信。如旁翼後推。必引之康莊。坐之奧室。不計其人何如。亦時或不置一語。而意已可喻。先生接人。腐生賈客田翁。皆欲導之於善。而責貴人爲甚。常言爲己一介不苟。爲天下計。不可守苛節。無益於時。時獨身至海塘河工。度地勢。求聖祖高宗之所講明者。彊聒之當事。一再見屏勿恤。湖北教匪初起。先生以爲嘉勇貝子方

以剿逆苗駐湖南。苗自守賊不足慮。宜急徹兵至湖北。期一月掃除。勿使蔓溢。昏暮走大學士誠謀。英勇文成公及大學士忠襄伯之門。欲白事門者拒之。最後至大學士諸城劉文清公之門。得入。文清公謝不敏。遂怒而出。而城門已闔。不得已宿於護軍校之邏舍。其拳拳於世如此。年二十四補縣學附生。二十七補廩膳生。五十一充歲貢生。五十七本省鄉試中式六十六。大挑二等。留京師。恭與千叟宴。七十選甘泉縣訓導。嘉慶十一年十一月甲子卒於官。年七十七。曾祖留耕府君。諱垣。祖琢菴府君。諱章。府學生。父賓石府君。諱之罕。府學生。貤贈文林郎甘泉縣訓導。前母段孺人。母卜孺人。皆贈太孺人。配朱孺人。子二。長旦興。順天舉人。以好奇遠遊。不知所往。次旦勳。國子監生。女一。適袁穀。孫良弼。國子監生。旦興出同產姊一。適卜師誠。妹一。敬母太孺人也。先生出滎陽鄭氏。始遷祖光遠。南唐保大中自歙來丞晉陵。遂世爲武進人。南唐以前系統無可考。其附會皆非也。銘曰。南宋季葉。以儒居奇。賀公與卿。其下擁徒。鈎帶百千。或攘而爭。有明變學。別推波。

流背古式程于于縫掖爲詭爲迂大道其盲惟我聖清東天下術收之朝廷士愿而循應科歷官如水地行先生大呼排道學門衆睽且驚如負千鈞夜登崇阿梃不得征繫聞先子先生之學廢人任己任己之極刻思而一通天地始廢人之極外無應者卒隘於理聖門狂狷不逆所稟行乃不違嗚呼先生志勤言勞知者其誰。

清管同從舅鄒君墓誌銘

君諱彝字明川當明世宗時御史鄒公應龍劾嚴嵩之奸嵩竟以譴死直聲聞天下君其後裔也近世遷江寧數傳而至君祖祖二子長君父曰榕次君叔曰森君叔以舉人爲安東教諭方正能文事載江寧府志則管同之外祖也故同於君稱從舅云君生十餘歲而父遊於蜀其始也間數歲一歸已而不歸者三十餘年後遂不通書問君念且痛一日謝家人攜襍被徒步入蜀訪焉至成都都不見見其故人告曰尊公去此久矣問以地謝不知君遂渡桔柏踰五漫徒步走七月乃至達

州初漢諸葛武侯既卒蜀人哀思如喪父母其裹首多以白謂爲武侯制服云自漢以來遂相沿不變君至達州適邨民有會事裹白巾者相望俄見一老翁朱纓而至君曰此吾父也已趨前伏地以父呼其人大驚扶掖既相問良然相持大痛不已遂迎以歸盡孝養者十餘年君生平專爲人司會計甚貧困且未嘗深讀書而頗篤於內行嘉慶某年某月某日卒年六十妻柳氏先喪無子合葬江寧傅家山與同祖父墓相鄰近同嘗爲記云吾子孫省墓者當併祭君及外祖教諭公銘曰

猗嗟舅氏既孝而恭如何上帝降以鞠凶始毀其家回祿祝融繼而矜獨備於一躬親朋不知但曰君窮行韜名晦識者甥同萬里迎親於蜀之中誰與媿者壽昌朱公人視爲窮天視爲通鑒此銘刻母悲幽宮

(二)爲舅氏婦撰 錄一首

何維棣通奉大夫候選道李公配湯夫人墓誌銘

光緒辛卯。外弟李輔煥述其母丁夫人之言曰。汝前母湯夫人既卒。且葬。汝父已書生卒納諸藏內矣。然壙志主簡。懿行罕傳。其屬何甥維棣銘於羨道。維棣。考柳州蓋石之文。附中郎二碑之義。不敢以不敏辭。夫人姓湯氏。諱蘭昭。字曰純卿。益陽進士官山東道監察御史諱鵬長女。年十有八。歸於湘陰李氏。爲外王父文恭公仲子婦。而舅氏通奉大夫候選道諱槩之元配也。御史厲道郎潛樹聲臺諫。同官風義。獨厚文恭。以締好於紀羣。遂結姻。爲王孔洎文恭歷持使節。洊典疆符。通奉來自秦川。留爲齊贅。豐臺花早。甥館春多。蕙質芳猷。譽盈疏戚。爰偕良匹。歸侍嚴庭。時祖姑陳太夫人就養官署。潼關邂逅。定省征途。壽母新人。輝榮行李。既息裝三輔。肅禮重闈。敬愛洽夫天情。淑令宣夫閭政。影堂展祀。愴念先姑。綵服承顏。是稱祥女。下牀答拜。則疾問樊英。進饌虔儀。則勞均秀母。中閨作範。內位以諧。已而奉八座之起居。返三湘之里第。言觀維則。恭肅如初。克成讓德。有誠敦之賢。永言孝思。體報劉之願。宗親流譽。長穉承和。霜露俄侵。光陰易暮。以咸豐二年二月。

十二日卒。春秋二十有七。逾年三月。葬於長沙縣北絲茆衝。初封宜人。累贈夫人。女二。長適湘潭縣學生郭敬熙。次字善化縣學生。今廣東知縣張廣權。皆後夫人。卒。維棣方在垂髫。先母恭人。每爲述侍宦京華。過從同閨。符齡惠問。稱美勿譏。今夫人卽世已四十年。而先母棄養。陶逾九載。允矣。含章之德。悽然在耳之言。是則渭陽輟詠。楊惓志哀。州門誦詩。羊曇寓感者矣。謹作銘曰。

資水靈源。中山故郡。肇啟清門。實生哲媛。猗歟哲媛。閨闈之仁。克相夫子。思事憂勤。番番祖姑。綢繆君舅。箴盟溫恭。宜家富壽。胡德之懋。而年之慳。恩辭鼎室。路絕瓊田。衡麓青蒼。拱茲幽隧。展拜賢墳。式揚嘉懿。

(二)爲外舅撰 錄三首

清楊繩武翰林院庶吉士外舅秀野先生墓誌銘

外舅秀野先生。沒三年而始克葬。葬之日。例有志銘。以納諸墓。顧先生平昔素交。零落盡矣。其存者或在遠。孤幼未敢以請也。繩武爲先生壻。亦能略悉先生梗概。